

中國方志叢書·華南地方·第二七六號

據

清·王粵麟修，曹維祺纂
光緒十五年刊本

影印

貴州省

普安直隸廳志

(一)

成文出版社有限公司印行

普

疾

直

絲

廳

步

炎緒十五

仲夏月

原序

盤州古微盧彭濮地周武王時始入中國後世皆在
羈縻之屬洪惟我

朝

聖人首出凡雕題鑿齒莫不喁喁嚮風而所謂羈縻者今
皆設州縣置官吏密林深箐之區從古不能開闢者
皆仰承

離明所照易曰帝出乎震齊乎巽相見乎離未有若

今之盛者也黔之爲省於古爲臣前明肇有其地然力

不能去土官又惜鉅費而憚于遠是以土司仍萌孽
其間既不肯同唐三十六郡之羈縻又不能似漢九
郡之開拓以漢人雜處其中適足爲害而已我

世祖章皇帝定鼎燕京撫有函夏

特命經略大臣戡定滇黔向之潛伏于此者得一洗而廓清
之嗣是以來平水西馬乃古州諸處昔官吏所不及
者皆鋤荆榛通徑術而置官守焉而嵐烟瘴雨毒淫
之氣自得

聖人之化天地亦爲之一變矣普安州漢曰牂牁唐曰盤

州元曰于矢部前明州衛并設有土官主之後雖改
流而土官未除至康熙年間乃裁衛歸州及後又改
土歸流實除土官於是普安州乃與中土州縣等

粵

麟於乾隆二十二年冬十一月從永甯來署此篆視
事之初欲知地方事跡取往志觀之無所有

粵麟

聞

周禮外史掌邦國之志職方掌天下之圖故凡省郡
州縣皆有志書州縣無志不獨往事無稽即忠孝節
烈亦泯沒不彰於後世其所聞者甚鉅今歲之夏適
同鄉曹孝廉蓬萊遊黔中兼黔陽曹孝廉維祺司鐸

茲土悉好攷核古今事屬以秉筆而商榷訂正

粵麟

任之逾五閱月書成總其事者竊得弁言簡端

粵麟

聞之書曰乃聖乃神乃武乃文奄有四海爲天下君
夫帝王非聖神文武不能大一統而無外也盤州自
元以前爲羈縻明代不能泯羈縻之跡惟德動天無
遠弗届

聖朝實能撫有其地當是時不獨人事樂於下而

天心亦悅於上故慶雲現甘露霖靈芝生嘉禾秀闢數千年

未闢之風氣是以天不愛道地不愛寶同煥

昭代文明之盛也

粵麟

不敏仰荷

聖天子知遇之恩由武陵令拔永甯牧蒞任未及旬日復

荷大憲檄署晉安自維俗吏不足揚掄

朝廷文治之隆惟是

國家承平百餘年斯土之民得休養涵煦于其中十五

以上上所長六十以上上所養而復設學校以教之

使邊荒僻壤之人爲臣知忠爲子知孝況兵農錢穀

正有司之事

粵麟

敢以固陋畧譏不急有以志之耶

至於事屬經始期短功忙自周以來此地之建置沿

草不及備考其詳而山川人物不無缺漏豈非憾事
然是役也特引厥端耳竟其委者拾遺補闕加厲增
華尙有待于後之君子

乾隆二十三年歲次戊寅暢月上浣奉直大夫知永
甯州署普安州事加二級興甯王粵麟謹序

自封建降為郡縣而外史外令之職
廢守土者以修志非專責注、廢與
註之此志之所以多失脩也光緒丙戌
春仲昌祺來承乏是邦甫下車索閱
廳志刻本已殘缺不全僅見鈔本蓋
已百餘年失修矣爰集眾於庭謀籌
款重脩僉曰可昌祺十年作吏筆墨久
荒且行篋無書莫資者證適粵西

覃君容士以名進士宰吾縣印江李諱
將歸里強延來廳共襄厥事蒐輯
隱左掇右劇越二年而書成昌祺起
而言曰聽之宜續志者夫豈細故哉
方咸豐年間賊氛蜂起若髮若捻若
徇若苗蹂躪徧天下迨同治初元東南
肅清

朝廷始專意經營滇黔而滇黔亦漸

次肅清前此十餘年黔之禍尤亟廳以
彈丸地內寇外寇紛起響應盤踞侵
擾幾無完土雖其時廳民苟且自全
不無可以言議卒之戮力同心慷慨袍
澤渠魁授首圍境又安迄於今城郭
依然市廛無恙庠序之中濟、祁、
穀、錫之氓熙、皞、則邦之人捍衛梓
桑之功為不可沒也況以新城一役合川

慎默率軍進討皆聽人言之鄉導衝鋒冒險所向有功效事成未聞授一官自始亂以至亂平輸餉幾數十萬金未聞大吏請加一學額願人士若惟知以王事為急冀功率賞皆所弗計是其忠義之氣誠有足風者更何論陣亡殉難之紳民將卒盡節完貞之婦女尤不可以泯沒耶舊志修於乾隆二十

三年其時尚為州治厥後屢有建置至
嘉慶十六年始改直隸廳又割廳之黃
平捧鮪等營分隸興義縣夫州廳異
名則設官養兵皆有張弛疆域錯置
則丁籍賦役自有等差而況此百餘年
中灾祥著乎天物產茁乎地文采煥
乎人不有以表揚而闡發之烏乎可抑
昌祺更有進焉願當雲貴之襟喉達

川廣之聲援自元以來為凡用武者所
必爭之地方今互市羈縻時局一變
吳人踞緬法人踞越恃其星緯輿地
之學舟車鎗礮之藝時有狡焉思
逞之心萬一敗盟隙憂實大是則道
里之短長閘隘之險要山洞之深邃
水道之紆折六枳制璽索者所宜究
心也然則是書成昌祺以為守土

之程抑不僅昌祺一人守土之程也惟
願後之來者時加蒐輯勿以廢與睦
之此則昌祺之所厚幸也夫光緒己
丑夏四月長沙曹昌祺謹序



